

Tiranë, më 21/11/2024

**RELACION
PËR
PROJEKTVENDIMIN
„PËR BUXHETIN E VITIT 2025“**

Të nderuar anëtarë të Këshillit Kombëtarë,

Projektbuxheti i vitit 2025 mbështet konsolidimin e mëtejshëm të objektivave që do të çojnë në ofrimin e më shumë shërbimeve për anëtarët, në përmbushjen e misionit të Urdhrit ,për rrjedhojë në gjenerimin e të ardhurave për realizimin e këtij misioni si dhe administrimin e tyre në mënyrë efikase .

Gjatë vitit 2024 i gjithë aktiviteti i Aparatit Qëndror, i drejtuar nga organet vendim marrëse , u fokusua në realizimin e misionit për të cilën është krijuar Urdhri.

Gjatë këtij viti është organizuar puna për regjistrimin e farmacistëve të rinj në regjistrin kombëtarë, kundrejt përmbushjes së kërkesave ligjore , regjistrimin e ndryshimeve të anëtareve të Urdhrit, që vijnë si rezultat i ndryshimit të vendit të punës por dhe i atyre që mbushin afatin kohorë të regjistrimit në funksionin e Drejtuesit Teknik.

Një vëmendje të veçantë i është kushtuar regjistrimit të studentëve që vijnë nga auditorët, për kryerjen e praktikës profesionale si detyrim ligjorë pranë urdhrit, mbikqyrjen e tyre në çdo farmaci .

Gjithashtu , në kuadër të organizimit të aktiviteteve të edukimit në vazhdim, duke qenë se viti 2024 ishte dhe viti i fundit i ciklit të tretë të ricertifikimit 2020-2024,me qëllim ofrimin e sa më shumë krediteve për anëtarët, në datat 12-13 Prill 2024 u organizua Konferenca e VII „Së Bashku për Farmaceutikën“ pranë ambjenteve të hotel Tirana , duke i ofruar

farmacistëve 12 kredide. Gjithashtu janë organizuar dhe tetë bashkëorganizime me operatorë të tjerë si:

Kongresi me Odën e Kosovës në datat 1-2 Qershor 2024 , në Prishtinë me 23 kredite,

Trajnimi në bashkëpunim me kompaninë „EUREKA“ me 12 kredite,

Konferenca me ANNUK (Agjensia Nërkombëtare e Nutricionit Klinik) me datë 17 Prill me 6 kredite,

Kongreset Mjekësore në datat 2-3-4 Maj , me 9 kredite,

Me shoqatën mjekësore „Brainstorm“ në datat 10-11-12 Maj 2024 me 18 kredite.

Në datë 10 tetor 2024 me shoqatën „Brainstorm“ pjesmarrja pa pagesë duke ofruar 6 kredite.

Bashkeorganizues në „Kongresin Ndërkombëtar të shkencave mjeksore 7“, datë 15-16-17 Nëntor 2024, me 18 kredite.

Trajnim në Dermokozmetikë të Aplikuar me kompaninë „Eureka“ me date 22 Nëntor 2024, 6 kredite.

Në total gjatë vitit 2024 nga Urdhri janë ofruar 104 kredite farmacistëve, të mjaftueshme për të plotësuar kërkesat e ligjit.

Viti 2024 , ishte viti i ricertifikimit të 3200 farmacistëve . Në muajin Qershor 2024 , u njoftuan të gjithë farmacistët që të përgatitnin dokumentat për të aplikuar për ricertifikimin e tyre . Kërkesat kryesore ishin pagesa e detyrimeve financiare ndaj urdhrit si dhe marrja e numërit të nevojshëm të krediteve të percaktuara nga ligji, me qëllim vazhdimin e të drejtës së ushtrimit të profesionit. Ishte një punë voluminoze , e cila filloi në rajonet dhe vazhdoi në zyrat qendrore të urdhrit. Falë këtij procesi u bë arketimi i detyrimeve të prapambetura që farmacistët kishin tek urdhri, dhe sic dhe e vërtetojnë dhe pasqyrat financiare detyrimi zinte një vlerë të konsiderueshme.

Gjatë vitit 2024, një vemendje të vecantë ju kushtua dhe datës 25 Shtator, ditës botërore të Farmacistit. Në nder të kësaj datë Urdhri organizoi aktivitetin në ndërgjegjësimin e adoloshentëve në pesë gjimnaze të Tiranës. Fokusi kryesor ishte ndërgjegjësimi i kësaj moshe lidhur me shëndetin mendor, dermokozmetika, nurticioni, shëndeti seksual, varësitë e ndryshme.

Aktivitet që u prit shumë mirë nga pjesëmarrësit dhe u kerkua bashkëpunime në të ardhmen.

BUXHETI I VITIT 2025

1- Objektivat e Buxhetit 2025

Krijimi i një sistemi për realizimin dhe evidentimin e të ardhurave në përgjithësi dhe të ardhurave nga kuotat mujore në veçanti, së pari nëpërmjet rritjes së bazës së atyre që do të paguajnë kuotat mujore, dhe së dyti nëpërmjet evidentimit , saktësimit të anëtareve që ushtrojnë profesionin nëpërmjet mbikqyrjes profesionale dhe bashkëpunimit me institucionet e tjera.

2- Detajimi i Buxhetit për vitin 2025

Hartimi i Projektbuxhetit është mbështetur në realizimin faktik të vitit 2024, objektivat që Urdhri ka për vitin 2025, si për realizimin e të ardhurave, ashtu dhe për përdorimin e shpenzimeve .

Buxheti është i detajuar sipas natyrës ekonomike.

Buxheti parashikohet të jetë i balancuar.

2.1 Planifikimi i të Ardhurave

Planifikimi i të Ardhurave bazohet nga të dhënat që disponojmë si:

- Numëri i anëtarëve të Urdhrit të regjistruar në Regjistrin Kombëtarë në funksionin e Drejtuesit Teknik.
- Numri i anëtarëve të Urdhrit të regjistruar në Regjistrin Kombëtarë , në funksionin e Farmacistit të punësuar.
- Numëri i anëtarëve të Urdhrit të regjistruar në Regjistrin e Vecantë , të Ndihmës Farmacistëve.
- Numëri i antarësimeve të reja , referuar regjistrimeve të kandidatëve për provimin e Shtetit për dy sezonet Maj- Dhjetor 2024.

- Numëri i praktikantëve të regjistruar për praktikën profesionale viti 2024.
- Numëri i anëtarëve që mund të rilicensohen.
- Në realizimin e të ardhurave për periudhën si dhe i pritshmi deri në fund të vitit 2024.
- Në të ardhurat e gjeneruara lidhur me shërbimet që urdhri i ofron anëtarëve ,si vërtetime për jashtë shtetit,etj.


Të dhënat për planifikimin e të Ardhurave për vitin 2025 krahasuar me vitin 2024 paraqiten si më poshtë:

000/lekë

Nr	Emertimi	Plani 2024	Plani 2025	Në %
	TE ARDHURA			
1	Kuota antarësimi	30.222	30.330	↑ 0.3%
	- Drejtues Teknik	20.844	20.940	
	- Farmacist i punësuar	8.388	8.424	
	- Nd/farmacist	990	966	
2	Regjistrimet e reja	2.230	3.070	37.66%
3	Praktika Profesionale	3.120	2.970	↓ 4.81%
4	Të Tjera (riprintime)	1.250	1.362	↓ 8.9%
5	Likujditetet	3.785	28.581	↑
6	Të drejta të arkëtueshme	6.124	0	
	TOTALI	46.731	66.312	↑ 41.9%

Referuar zerave të të Ardhurave, shikojmë se të ardhurat krahasuar me vitin 2024 kanë pësuar një rritje të lehtë.Kjo rritje i referohet zërit të të ardhurave nga kuotizacionet në masën 0.3%. Gjithashtu ritje ka në të ardhurat nga kuotizacionet për anëtarët në pozicionin e farmacistit të punësuar ,kjo si rezultat i rritjes së numërit të tyre.Është e pritshme rënia e të ardhurave nga zëri i kuotizacioneve të Ndihmës Farmacistëve, pasi legjislacioni për arsimin në vendin tonë nuk përgatit më Ndihmës Farmacistë.

Ecuria e të ardhurave nga viti 2024 në vitin 2025 paraqitet grafikisht si më poshtë:




- ✓ **Të Ardhura nga kuotat e anëtarëve që ushtrojnë funksionin e Drejtuesit Teknik**, janë bazuar në numërin e regjistrimeve të nxjerra nga zyra e regjistrimit me parashikim deri në Dhjetor 2024, gjithësej 1,745 anëtarë.
- ✓ **Të Ardhura nga kuotat e antarëve Farmacist të punësuar**, janë bazuar në numërin e regjistrimeve të nxjerra nga zyra e regjistrimit me parashikim deri në Dhjetor 2024, gjithësej 1,404 anëtarë.
- ✓ **Të Ardhura nga kuotat e Nd/farmacistëve**, janë bazuar në numërin e regjistrimeve të nxjerra nga zyra e regjistrimit deri në Dhjetor 2024, gjithësej 83 anëtarë.
- ✓ **Të Ardhurat nga Tarifat e Regjistrimeve të reja**, janë bazuar në numrin e studentëve të regjistruar për provimin e Shtetit Maj 2024 dhe Dhjetor 2024.
- ✓ **Të ardhura nga Praktika**, janë bazuar në numërin e praktikantëve të regjistruar gjatë vitit 2024 për të dy zezonet Korrik 2024 dhe Dhjetor

2024 , gjithësej 260 praktikantë . Në këtë grup të ardhurash janë përfshirë dhe të ardhurat nga tarifa e regjistrimit për praktikantët që regjistrohen si përsëritës të provimit të aftësimit praktik, gjithësej sipas të dhënave të zyrës së praktikës për vitin 2024 janë 143 praktikantë.

- ✓ **Të ardhura të tjera (riprintime, ricertifikime, shërbime etj),** janë bazuar në numërin e antarëve aktiv ,drejtues teknik dhe farmacistë të punësuar me parashikim deri në Dhjetor 2024.

Planifikimi i të Ardhurave për vitin 2025 sipas peshës specifike të tyre , paraqitet si vijon:



Realizimi i të ardhura , që përbën bazën e realizimit të objektivave të Urdhrit kërkon punën e të gjithë organeve të Urdhrit ,si atyre të zgjedhur ,ashtu dhe atyre të emëruar.

2.2 SHPENZIMET 2025

Shpenzimet janë planifikuar sipas strukturës ekonomike , dhe kanë për qëllim mbulimin e aktivitetit të Urdhrit për vitin 2025 , për realizimin e misionit të Urdhrit që do të përkthehet në rritjen e nivelit të Shërbimit Farmaceutik.

Ndarja sipas strukturës Ekonomike .

- 1- **Shpenzimet e personelit**, të cilat janë përcaktuar sipas numërit të punonjësve të miratuar në Këshillin Kombëtar dhe pozicioneve të tyre në strukturë. Në këtë zë përfshihen pagat, kontributet e sigurimeve shoqërore e shëndetsore si dhe Fondi i Veçantë.
- 2- **Shpenzime për Honorare**, janë shpenzimet për pagesat e honorarëve mujore të anëtareve të Këshillave Rajonal dhe pagesat për ditëmbledhje të Këshillit Kombëtarë ,Këshillave Rajonal ,si dhe honorarët për antarët e komisioneve të ndryshme të ngritura pranë Urdhrit, referuar nivelit të honorarit të miratuar nga Këshilli Kombëtar.
- 3- **Shpenzime Operative**, janë llogaritur për funksionimin normal të punës së administratës së Aparatit Qëndrorë dhe funksionimin e strukturave Rajonale. Në këtë strukturë përfshihen shpenzimet për kancelari, shtypshkrime, bojë për printerat, shpenzime për shërbime si energji elektrike , uje, telefon , mirëmbajtje automjesh, siguracione, taksa vendore,auditime, shpenzime dieta, pritje percjellje, karburant etj.
- 4- **Shpenzime për Qira** , janë shpenzimet për mbulimin e pagesës së qirasë së objektit të marrë me qira nga Shtypshkronja e Letrave me Vlerë për zyra. Për vitin 2025 është parashikuar shpenzimepër qira vetëm për gjashtë mujorin e parë 2025, pasi parashikojmë të kalojmë në ambjentet e zyrave te urdhrit.
- 5- **Investime për blerje objekti për zyrat dhe pajisje Zyre**. Në këtë zë shpenzimesh janë përfshirë shpenzimet për blerje zyrash në masën 30% të vlerës së objektit ,pasi pjesa tjetër do të merret kredi në bankë, si dhe shpenzime për blerje të pajisje për zyrat si ato elektronike dhe ato mobilare .

- 6- **Shpenzime për aktivitete të Edukimit në Vazhdim**, janë projektet që do të realizohen për aktivitete të Edukimit në Vazhdim në fushën Farmaceutike , duke bërë të mundur ofrimin e një numëri të mjaftueshëm për farmacistët.


Planifikimi i Shpenzimeve për vitin 2025 krahasuar me vitin 2024 paraqitet sipas tabelës:

000/lekë


Nr.	Emërtimi	Plani 2025	Plani 2024
	SHPENZIMET		
1	Paga dhe shpërblime	25.697	18.610
2	Fondi i Veçantë	1.022	953
3	Kontributet e sig. shoqerore e shendetsore	3.677	3.259
4	Honorare	11.202	10.036
5	Shpenzime operative	4.200	5.700
6	Qira zyresh	1.086	2.173
7	Investime	23.127	1.000
8	Aktivitete të Edukimit në vazhdim	3.000	5.000
	TOTALI	66.313	46.731

Siç shihet dhe nga tabela krahasuar më Buxhetin e vitit 2024 kemi një rritje prej 41.9% në Buxhetin e vitit 2025. Kjo rritje i përket zërit të investimeve, ku përfshihet shuma që Urdhri do të paguaj në bankë për blerjen e zyrave, si dhe vlera e mobiljeve dhe pajisjeve për zyra. Kemi një ulje të zërit të shpenzimeve operative, dhe një rritje të vogël në zërat shpenzime personeli referuar inflacionit, honorare dhe investime .

Dhe në mënyrë grafike niveli i shpenzimeve për vitin 2025 në krahasim me vitin 2024 paraqiten si vijon:



Niveli i shpenzimeve sipas peshës specifike të tyre në mënyrë grafike paraqiten si vijon:



Realizimi i zërave të shpenzimeve do të bëjë të mundur realizimin e projekteve që urdhri ka për vitin 2025.

Zbatimi i Buxhetit, do të bëhet sipas legjislacionit në fuqi.

Arkëtimet, do të vazhdojnë të bëhen vetëm nëpërmjet sistemit bankar , i vërtetuar me mandate arkëtimi të bankës.

Shpenzimet , do të bëhen sipas procedurave të përcaktuara dhe të mbështetura në dokumenta standarte të miratuara për Financat dhe për Kontabilitetin.

Ndjekja dhe zbatimi i Buxhetit, do të bëhet nga Aparati Qendrorë i Urdhrit. Gjithë dokumentacini për shpenzimet që do të realizohen do të depozitohet në Zyrën e Financës për likuidim.

Këto ishin treguesit e Buxhetit të vitit 2025.

Ju ftoj për miratimin e Buxhetit të vitit 2025.

ZYRA E FINANCËS
MIRSIE DOKA